

ՊԱՏՄԱԿԱՆ ՀԱՅ ԴՐՈՇՆԵՐՈՂ

Ա. Ն. ՊԱՏՐԻԿ

Հայկական դրոշների ձևերի հարցով առաջին անգամ զբաղվել է Ղ. Խնճիճյանը («Հնախոսություն Հայաստանյայց», հատ. Բ), սակայն շատ հարևանցիորեն։ Հ. Վ. Հացունին հատուկ ուսումնասիրություն է¹ նվիրել դրան, սակայն նա էլ, սկզբնաղբյուրների սակավության պատճառով, ստիպված է եղել բավարարվել գուշակություններ անելով։

Այս հոգիվածում մենք փորձում ենք պատմիչների համառոտ հիշատակությունների հիման վրա մեր դրոշներից ամենահավաստիների ձևերը պատկերել։ Ինչ վերաբերում է Կիլիկիայի հայկական թագավորության դրոշակին, ներկայացնում ենք պատմականորեն վավերական մի քանի դրոշածեր։

Արտաշիսյան հարստության հիմնադրի մասին խոսելիս Մովսես Խորենացին հիշատակում է «նշանքն Արտաշիսի»²։ Հնում «նշան» բառը գործ էր ածվում նաև դրոշի իմաստով։ Կարելի է ենթադրել, որ առաջին անգամ Արտաշեսի թագավորության ժամանակ չէ, որ հայ պետական դրոշ էր գործածվում։ Շատ հնարավոր է, որ դեռ ավելի վաղ ժամանակներից Հայաստանում բնակվող յուրաքանչյուր ցեղախումբ և ուրաքական հզոր պետությունը ունեցել են իրենց ինքնուրույնությունը խորհրդանշող նշաններ կամ դրոշներ։ Հատկապես այս վերջիններից ունենք մի թանկագին նմուշ՝ Արգիշտի Ա-ի բրոնզյա սաղավարտի վրա փորագրված, որը մարտակառքի ետևում կանգնեցված տեգի բնին կից մի փոքր դրոշակ է (նկ. 1)։

Խորենացուց տեղեկանում ենք նաև հայ Արշակունյաց հարստության հիմնադիր Վաղարշակի արքայական նշանի մասին. «Արծուիս առաջի նորա կրէին»³։ Դա հավանաբար եղել է ձողի վրա ամրացված արծվի քանդակ։ Պարթևների, մանապեհ Սասանյանների մոտ էլ արծվենշանը արքայական զինավոր նշաններից է եղել։

Գալով Տիգրան Մեծի դրոշի հարցին, պիտի տեսել, որ թևեկ պատմական որոշակի հիշատակություն չունենք, սակայն նրա դրամները մեզ տալիս են առեղծվածի բանալին (նկ. 2)։ Նրա թագի խորհրդանիշներն են՝ կենտրոնում ճառագայթավոր արևը, իսկ երկու կողմում՝ մեկական արծիվ՝ զլուխները դեպի արևը դարձրած։ Արևի աշտամուկը եղել է նաև հայերի մոտ, իսկ արծիվ խորհրդանիշը, ինչպես հայտնի է, վաղուց գործածական է եղել թե՛ Արևելքում և թե՛ Արևմուտքում։ Պետք է ենթադրել, որ արևի շուրջը զույգ արծիվ ունեցող նշանը Տիգրան Բ-ին էր յուրահատուկ։ Շատ բնական է, որ նա նույնատիպ Անավորումով ստեղծած լիներ նաև իր դրոշը։ Ուստի մենք փորձել ենք պատկերել այդ դրոշը հենց նույն խորհրդանշաններով, քառակուսի մի պաստառի վրա (տախտակ Ա, նկ. 1)։ Ընդհանրապես, տվյալ ժամանակի արքունական սովորության համաձայն, դրոշը կրում էին տեգի ծայրին կապված հորիզոնական փոքրիկ գավազանից կախված։ Տիգրանյան դրոշը ծիրանագույն էր լինելու, ինչպես արևելյան արքաներին, իսկ վրայի խորհրդանիշերը՝ ոսկեգույն ասեղնագործած, պաստառի ստորին եզրը՝ ծոպերով նրկված, ինչպես պատկերված է հռոմեական կայսրերից Լուկիոս Վերոսի մի դրամի վրա։

Տիգրանյան թագի տիպը շարունակեց գործածվել նաև նրա հաջորդների կողմից, ինչպես ռենում ենք Արտավազդ Բ-ի զինին (նկ. 3)։ Տրամարանական է, ուրեմն, եզրակացնել, որ

1 Հ. Վ. Հացունի, Հայ դրոշները պատմության մեջ, Վենետիկ, 1919։ Վերջերս հրատարակվել է Կ. Ստեփանյանի «Հայկական դրոշներ և ղինանշաններ» զրբույկը (Ինյույթ, 1966, 54 էջ), ուր մինչև 1828 թ. վերաբերող նյութերը, Հացունու զրբի համեմատությամբ, որևէ նորություն չեն պարունակում։

2 Մ. Խորենացի, Պատմություն Հայոց, Թիֆլիս, 1913, Բ, ԽԶ։

3 Նույն տեղում, Բ, է։




v4. 2

v4. 3



v4. 4



v4. 5-6

ազգաց, տոհմաց, տոհմաց, գնդիս և դրօշուց տեարք, ամենայն սատրապք և նախարարք պետք և իշխանք, զօրավարք և սահմանապահք...»⁷։

Ահա և մի այլ վկայություն այն մասին, թե Արշակ թագավորի հրամանով սպարապետ Վահակ Մամիկոնյանը ինչպես է պատերազմական զորահավաք կատարում. «նիդակաւորք, սուսերաւորք, աղեղնաւորք... համակ հեծելազօրք զրահաւորք, պատենաղենք, սաղաւարտաւորք, զրօշաւորք, կաղժ նշանաւորք բազմաձայն լիողարօքն»⁸։ Ուրեմն, բանակում հատուկ դրոշակակիր զորականներ կային։

Դրոշի նվիրականության մասին ուշագրավ մի վկայություն է նաև հետևյալը։ Երբ Պապ թագավորն ու Ներսես հայրապետը բարձրացել էին նպատ լեռան վրա՝ պարսից դեմ հայկական բանակի ճակատամարտը դիտելու, նրանց մոտ է գալիս սպարապետ Մուշեղ Մամիկոնյանը և «երէր զնշանսն իւր և զգէնն առ Ներսէս եպիսկոպոսապետն, զի օրհնեացէ»⁹։

Հիշատակության արժանի է նաև ուրիշ մի դրվագ. դավաճան Մերուժանի դեմ պատանդ Արտավազդը ելնում է՝ «...ինքեանք վառեալք կազմեալք ի պատերազմն, ի մի վայր գումարեալք, նշանն արձակեալք դրօշս փողփողեալս»¹⁰։

Ավարայրի ճակատամարտից առաջ պարսից բանակի հրամանատարը լրտեսների միջոցով ուզում է տեղեկանալ, թե հայկական բանակի մեջ քանի «պարագլուխս կային» և՛ «զրօշից անգամ իւրաքանչիւրոց տեղեկանայր»¹¹։ Այս նշանակում է, որ յուրաքանչյուր նախարարություն, գնդ՝ նրանցից «պարագլուխ»-ները, պատերազմին մասնակցելու էին եկել իրենց տոհմական դրոշները պարզաձև։

Մեր մատենագիրներից կատարած այս մի բանի մեջբերումներով ապացուցվում է նախարարների մոտ տոհմական դրոշի գործածությունը. իսկ թե ինչպիսին էին դրանք, ինչ գույնի էին, մանավանդ ինչ նշան էին կրում՝ մնում է անհայտ։ Միայն Մամիկոնյանների դրոշի մասին Փավստոսը տալիս է հետևյալ շփոթ բառերը. «Աւանաղգիրք, աղանաղօշք, արծվենշանք, վարժնականիշք», որոնք, հավանաբար, հետագայում ընդօրինակող գրիչների աղավաղումների հետևանք են։ Հացունին, վկայակոչելով Սուփերք Զ. 17-ում՝ Մեսրոպ պատմիչի խմբագրածը, ճշտում է՝ «աղեղնաձիգք, աղեղնադրօշք, արծվենշանք»¹²։ Այդ պարզաբանման շնորհիվ տեղեկանում ենք, որ Մամիկոնյանների դրոշանշանը եղել է աղեղնավոր մի արծիվ, և այդ հիման վրա էլ պատկերել ենք այն (տախտակ Ա, նկ. 8)։ Ի նպաստ արծվենշանի կարելի է հիշել նաև Մամիկոնյան Մանվել սպարապետի, իրրե գահի խնամակալի, Շուպուհից ստացած նվերների պարագան՝ «շիկակարմիր խորան և ի վերա խորանին արծուի նշան»։ Վերջինս դուցե Մամիկոնյան տոհմին հատուկ նշան է եղել։

Մամիկոնյաններից հետո Բագրատունիները մեր նախարարությունների մեջ վաղուց ականատես դիրք էին զրավում, մանավանդ որպես «թագադիրներ»։ Սակայն նրանց նախարարական և ապա պետական դրոշի մասին մեր պատմագիրները նույնպես ժլատ են եղել։ Աշոտ Բագրատունու մասին Հովհաննես պատմագիրը հիշել է, թե նա Բյուզանդիոնի Կոստանդ կայսրից իրրե պատիվ ստացել է «ոսկեատուն վառիր»¹³։ Դարձյալ նույն պատմիչը տեղեկացնում է, թե Աշոտ Ա Բագրատունու զագաղը զարդարված է եղել «ոսկեզօծ վառիր» (ԻԹ), իսկ թե ինչպիսի նշան էր կրում այն, դժբախտաբար չի հիշատակել։

Ավելի ուշ ժամանակի մի պատմիչ՝ Մինաս Համթեցին (1698 թ.) կիլիկյան դինանշանի մասին հիշելուց հետո գրում է. «...Իսկ առաջին թագաւորքն հայոց, որ ի հիւսիս, զարծիւ նշան կրէին»¹⁴։ Հյուսիս ասելով նա ակնարկում է Բագրատունիներին։ Արդարև, Անիի Մայր տաճարի արավային պատի խորշերից մեկի վերևում կա թևաբաց արծվի մի քանդակ¹⁵ (տախտակ Ա,

7 Փ. Բ ու Վ ա ն դ, Դ, գ։

8 Նույն տեղում, Ե, ի։

9 Նույն տեղում, Ե, գ։

10 Նույն տեղում, Ե, խգ։

11 Ս զ ի շ Ե, Վ Ե Ն Ե թ ի կ, 1859, էջ 180։

12 Հ ա ց ու ն ի, նշվ. աշխ., էջ 55։

13 Նույն տեղում, էջ 31։

14 Ղ. Ի ն ճ ի ճ յ ա ն, նշվ. աշխ., էջ 235։

15 Թ. Թ ու ր ա մ ա ն յ ա ն, Նյութեր հայկական հարոտարապետության պատմության, հատ. Ա, էջ 541։

նկ. 3)։ Սակայն այդ նույն խորհրդանիշը չի սահմանափակվում միայն Անիի հուշարձաններով և ոչ էլ նույն ժամանակաշրջանով։ Արծվեքանդակի հանդիպում ենք դեռ VII դարից, Ջվարթնոցի խոյակների վրա (տախտակ Ա, նկ. 4), ավելի ուշ՝ նաև Աղթամարի սբ. Խաչ եկեղեցու բազմադան քանդակների մեջ։ Հետագա դարերում, Բաղրատունիների թագավորության կործանումից հետո կառուցված եկեղեցիների վրա էլ հանդիպում ենք արծվի քանդակների (նույնիսկ երկդիսանի), ինչպես, օրինակ, XII դ. Մամիկոնյան տոհմի շառավիղների կառուցած Դսեղի (Թումանյան) եկեղեցու զանգակատան վրա¹⁶, Բարձրաբաշ սբ. Գրիգոր եկեղեցու արևելյան պատուհանի վերելում¹⁷ (տախտակ Ա, նկ. 5) և էլի ուրիշ վայրերում։

Անիի միջնաբերդի պարսպի գլխավոր մուտքի վերևում դտնվող առյուծի բարձրաքանդակը (նկ. 5) չենք կարող պիտանշանի կամ դրոշանշանի սիմվոլներից համարել, ինչպես կարծում է Հաջունին, քանի որ այդ պարսպները Բաղրատունիներից հետո քանդակված կամ վերանորոգվել են¹⁸։

Գեղարդավանքի վիմափոր եկեղեցու մեջ դտնվող դույզ առյուծի քանդակի մասին Գարեգին Հովսեփյանը գրում է. «Նշ էր Պոռոշանների զինանշանը. բոլորովին հաստատ հիշատակություն չունենք. բայց անհավանական չէ, որ իրար դեմ կանգնած և շղթաված առյուծ (նկ. 6) և եզր կամ նրանց զլուխները, որոնք կրկնվում են Պոռոշանների քանդակների և մանրանկարչության մեջ»¹⁹։

Մենք անհավանական ենք համարում այդ ենթադրությունը։ Նախ, շղթաված առյուծը հարմար չէ որպես զինանշան։ Ավելի հավանական է այդ նույն առյուծների միջև քանդակված արծիվը, մագիլներում մի գառ (տախտակ Ա, նկ. 6)։

Գալով նույն տախտակի 7-րդ նկարի խաչանիշ դրոշին, գա պատկերել ենք հիմնվելով Թովմա Արծրունու այն տեղեկության վրա, ըստ որի Բագրատունի Սմբատ թագավորի առաջից տանում էին խաչանիշ դրոշակ՝ «տալ առաջի նորա։ Նշանակա խաչադրոշա»²⁰։

Սթե ընդունենք, որ Բաղրատունիների ժրձանագույն դրոշի խորհրդանիշն է եղել վաղիչական սիմվոլը՝ արծիվը, Թովմա Արծրունու վերոհիշյալ տեղեկությունը գալիս է ոչ թե հերքելու, այլ լրացնելու այս փաստը։ Եթե արծվեդրոշը եղել է բանակում ռազմական դրոշ, ապա խաչանիշը եղել է արքայականը կամ՝ ընդհակառակը։

Ռուրիկյանների պետական դրոշի մասին մեր մատենագիրները նույնպես լռում են։ Սակայն, բարեբախտաբար, Ռուրիկյաններից մեկ հասել են բազմաթիվ դրամներ ու մանավանդ՝ այլ աղբյուրներից արժեքավոր փաստեր։

Ղ. Ինճիճյանը, ինչպես նշել ենք, առաջին անգամ զբաղվելով այդ հարցով, գրել է. «Թագաւորութեան ազգիս դրօշ յառաջին ժամանակս էր արծիւ. իսկ յաւուրս թագաւորութեան Ռուրիկեանց՝ առիւծ. զյիշատակութիւն այսորիկ գտանեմք միայն առ Մինասայ Հեթմաճույն, որ ի թղթ. 48 վասն Հեոնի առաջին պսակաւորի, գրէ. «Կայսերքն ըստ անուան՝ առիւծ առմա-նշան-առաքեցին սմա, զոր բարձեւ ի վերա դրօշի սեփհականեալ մնաց ի հայո մինչև ցվախճան թագաւորութեանս կիլիկեցոց. իսկ առաջին թագաւորքն, որ ի հիսիս, զարծիւ նշան կրէին»»։

Արդարև, Հեոն Ա թագավորի կնիքի (նկ. 7) և դրամների վրա դրոշմված ենք տեսնում մեկ կամ զույգ առյուծի սիմվոլ։ Սակայն ոչ թե «կայսերքն ըստ անուան առիւծ առմա» առաքած լինելուն համար, ինչպես գրել է Մ. Համթեցին, այլ նախապես դա Հեոնի ստեղծած զինանշանն է եղել։ Նրա հաջորդներն էլ շարունակել են դա պահպանել իրենց դրամների վրա։ Առյուծի կողքին հաճախ նշված է լինում մի երկարավուն խաչ, իսկ սրա շուրջ անկյուններում՝ մեկական փոքր խաչ։ Այդպիսի քանդակով մի շիրմաքար է հայտնաբերված Կիպրոսում (տախտակ Բ, նկ. 6)։ Ըստ երևույթին, մի հայ արքայազնի շիրմաքար է դա, քանի որ նրա եզրերին եղել է հայերեն արձանագրություն, որից մի քանի տառ դեռ մնացել է²¹։ Եթե նկատի ունենանք նաև,

¹⁶ Վ. Հ ա ց ու ն ի, Նշվ. աշխ., էջ 6։

¹⁷ Թ. Թ ո ր ա մ ա ն յ ա ն, Նշվ. աշխ., հատ. Բ, էջ 124։

¹⁸ Ղ. Ա լ ի շ ա ն, Շիրակ, էջ 40—44։

¹⁹ Գ. Հ ո վ ս ե փ յ ա ն, Խաղրակյանք կամ Պոռոշանք, պրնկ Ա, էջ 86։

²⁰ Թ ո վ մ ա Ա ր ծ ր ո ն ի, Պատմություն տանն Արծրունեաց, էջ 268։

²¹ J. de Morgan, Histoire du peuple arménien, Paris, 1919, էջ 227 և 237։

որ Կիլիկյան վերջին թագավոր Լևոն Լ-ի գերեզմանի վրա, Փարիզի Սեն-Դենի եկեղեցում, նույն պիտի գինանշան կա, ապա Կոնստանդնուպոլսի Կիլիկյան հայ արքունիքի պետական դերբը (տախտակ Բ, Եկ. Տ)²²։

Մեր երկրորդ տախտակում փորձել ենք համախմբել Կիլիկյան դրոշմները։

Նկ. 1-ում պատկերված դրոշը Հաջունին վերցրել է Կիլիկիայի Դրազարկ վանքի գրչագիր Իե ավետարանում Սարգիս Պիծակի կատարած մանրանկարից, տալով հետևյալ բացատրությունը. «Հայտնի է հոն տակավին ծիրանեզույն վառը, սակայն բաժանված կրկին մասանց. ներքինը՝ չորեքկուսի հավասարակողմ, հին ձևի իսկ, որոյ վրա կերել հավասարաթև կամ հունական խաչը, ոսկեծիր կամ ոսկեղեն, և զրաված է կտավին մեծագույն մասը. Իսկ յուր թևոց միջոցներուն մեջ կան ոսկեգիր տնորոշ դարդեր, զորս կկարծեմ փրկչական հայ մենագրերը՝ ՏՐ. ԱՄ. ՏՍ. ՔԱ. 23»։



Նկ. 7

Մենք համաձայն չենք Հաջունու այս վերջին մեկնարանությանը, քանի որ դրոշի զիսավոր խաչի չորս անկյուններում մեկական փոքրիկ խաչի ղետեղումը եղել է պետական գինանշանի, հետևաբար նաև գրոշանշանի ավանդական ձևը, ինչպես տեսնում ենք սույն տախտակի այլ դրոշների վրա։

Մանրանկարի վրա դրոշի առաջամասը երկճղված է, եռանկյունի սուր վերջույթով՝ ռուս սովորության միջին դարում (Հաջունի, էջ 79)։

Նկ. 2-ի դրոշի սիմվոլը վերցրել ենք Լևոն Ա-ի վատիկանում պահված առյուծանիշ կնիքից²⁴ (նկ. 8)։ Նրա դրամների վրա միշտ դրոշմված է թագապսակ և խաչակիր նույն սիմվոլը, ինչ առյուծանիշ կնիքի վրա։ Ուստի մեզի հավանական ենք համարում այդ, գեթ որպես արքունական դրոշ։






Նույն տախտակի 3, 4, 5 և 7 նկարների դրոշները բնօրինակել ենք թուրք պատմաբան Իբրահիմ Հակկիի մի գրքից²⁵։ Դրանք, ըստ հեղինակի, պատկանում են Կիլիկյան թագավորության և այն հայ իշխաններին, որոնք պահել են իրենց դիրքը մահմեդական գերիշխանության ժամանակ։ Իսկ նկ. 9, 10, 11 և 12-ի դրոշները պատկանում են Սերաստիային և նրա շրջակայքին, որ դարձյալ գտնվել են մահմեդական գերիշխանության տակ։ Այդ դրոշները իրենց գույններով ներկայացված են մագաղաթյա մի քարտեզի վրա, որն այժմ պահվում է Ստամբուլի Խոֆ-Գարուի թանգարանում։ Դրոշները պատկերել է իսպանացի ֆրանցիսկյան մի քահանա, որը 1350—60-ական թթ., այլ երկրների թվում, այցելել է նաև Կիլիկիա։ Նա դրել է, թե եղել է

²² Նույն տեղում։


²³ Հ ա ջ ո ն ի, նշվ. աշխ., էջ 73.

²⁴ Նույն տեղում, էջ 38.

²⁵ Ibrahîm Hakki, Topkapi Serayında deri üzerinde yapılmış haritalar. İstanbul, 1936, էջ 119, 159—163.



Surfornaly U



Տախտակ Բ

«Հայկական լեռնապար» կոչված մարզերում, ուր տեսել է 360 դուղեր և բազմաթիվ զոյակներ²⁶,

Վերոհիշյալ բարտեղում կիլիկյան ծովեզրի մոտ Corinchio կղզու²⁷ վերև նշված է մի գրողակ (նկ. 4)²⁸՝ վահանաձև սև ֆոնի վրա, հավասարակող սպիտակ խաչով, շորս անկյուններում՝ մեկական փոքր խաչ զրված, իսկ Ալեքսանդրեսի ծոցում նշել է առյուծանիշ գրող (նկ. 5), մոտավորապես նման կիլիկյան հայկական գրողին, մի բան, որ ենթադրել է տալիս այդ ծովեզրյա ամրություններում զետեւ բրիտանյա մի իշխանության դոմինիոններ:

Նկ. 3-ում պատկերված զրոշակը թուրք հեղինակը գրողների իր տախտակում վերագրում է Սվադին, մինչդեռ բացատրության մեջ՝ կիլիկիային, բոտ ֆրանցիսկյան քահանայի նշումի, և սա է ճիշտը, քանի որ խաչի ձևը և հինգ շուշանաձև խաչերը ինքնին այդ են ապացուցում: Բացի այդ, թուրք պատմաբանը գրում է. «Ֆրանցիսկյան ճանապարհորդի այս տեղեկից անցած ժամանակ կարող է պատահել, ուրեմն, որ կիպրոսի ֆրանկների գերիշխանության տակ կազմակերպված լինել հայկական մի փոքր իշխանապետություն» (էջ 163):

Թուրք պատմաբանը հայտնում է, թե Թուփ-Գարուի թանգարանում գտնվում է նաև 1428 թ. Յոհան դե Վիլլադեստես (Johas de Villadestes) անունով իսպանացի մի աշխարհագրագետի կազմած քարտեզը, ուր յուրաքանչյուր երկրի, քաղաքի կամ բերդի վերևում նշված են եղել համապատասխան գրություններ: Նկ. 7-ի դրչը Վիլլադեստեսի քարտեզի վրա նշված է եղել Տարսոն քաղաքի վերևում, որպես հայկական գրող: Վերջից արտաքին մի ուժի վրա հենվելու պայմաններում, Տարսոնում կարող էր հայկական գրողական գոյություն ունեցած լինել,— գրում է Ի. Հակկին:

Այդ գրողը բավականին ինքնատիպ է: Բաց-սրճագույն ֆոնը ձախակողմյան վերին եզրից շեղակի զեպի ցած եռանկյունաձև մի բաժանման է ենթարկված: Աջակողմի եռանկյան վրա հարկունական վեց սև շերտեր են երկտրում՝ յոթ ոսկեգույն փոքր խաչերով, իսկ սրճագույն եռանկյան վրա՝ երկու փոքր խաչ կա: Ըստ թուրք պատմաբանի՝ «քարտեզը կազմված ժամանակ կիլիկիայում տիրապետում էին Բամաղան-Օղլուները: Ավելի վաղ, 1378 թ. էլ Բամաղան օղլի Ահմեդը արդեն հիմնել էր մի անկախ պետություն՝ Ադանայի, Սիսի, Մսիսի, Փիասի և Վարսակի (Վահկա) շրջանների մասում», ուստի նա հավանական է գտնում, որ նրանց գերիշխանության տակ գոյություն ունեցած լինի խաչանիշ գրողով հայկական փոքր մի իշխանություն²⁸:

Ինչ վերաբերում է նույն տախտակի 10 և 11-րդ նկարների խաչանիշ գրողներին, ապա, դրանք ֆրանցիսկյան քահանայի կողմից նշված են եղել Սերաստիայի երկրամասում, և Վիլլադեստեսի քարտեզում էլ կատարված են նմանօրինակ նշումներ, մի բան, որ պատմական նոր հայտնաբերում է: Գրտենք, որ Վասպուրականի Սենեքերիմ լեռնավորը 1021 թ. Բյուզանդիային պիջել էր Վասպուրականը, դրա փոխարեն ստանալով Սերաստիան (Սվաղ) իր շրջակայքով: Գրանից հետո պատմական տեղեկությունները շատ աղքատիկ էին: Հայտնի էր միայն 1399 թ. Լևոկ-Թեմուրի պաշարման ժամանակ Սերաստիայի հերոսական դիմադրությունը հայ իշխանների զլխավորությամբ, որից հետո պատմությունը լռում էր: Արդ, վերահիշյալ խաչանիշ գրողները մեզ դնում են անակնկալի առաջ:

«Արդյո՞ք Սվաղը— ասում է թուրք պատմաբանը — այդ թվականներին թուրքերու դերիշխանության տակ քրիստոնյա մի իշխան էր կառավարում, Ըթե Յոհանի նշած Կարա-կոյունլուների գրողը և (ֆրանցիսկյան) քահանայի նշածը միասնաբար քննենք, կարելի է հանգել այն եզրակացության, որ սելջուկներին ենթակա կիսանկախ հայկական մի իշխանություն գեո որոշ ժամանակ հարատևել է»²⁹:

Հատիներեն մի ուրիշ քարտեզի վրա Սերաստիա քաղաքի վերևում նշված է եղել մի գրողակ, երկու մասից բաղկացած. ձախում՝ սպիտակի վրա կարմիր խաչ, իսկ աջակողմյան մասում՝ հեղին ֆոնի վրա կարմիր մի քառակուսի: Հայտնի է, որ քառակուսին մոնղոլ էլիտանական դինաստիայի նշանն էր (բոտ նրանց դրամներին):

«Տարբեր ժամանակներում և տարբեր վայրերում պատրաստված այդ երեք քարտեզների համընկնումը մեզ բերում է այն համոզման, որ սելջուկյան պետության հետզհետե կազմալուծ-

²⁶ Նույն տեղում, էջ 160:

²⁷ Կոռիկոսն է, որը ծովային նշանավոր ամրություն էր կիլիկիայում:

²⁸ Ibrahim Hakki, նշվ. աշխ., էջ 159, 163:

²⁹ Նույն տեղում, էջ 191:

ստեղծագործություններում մինչև այս փուլին պատրաստված ժամանակը Սվազում գործածվել է խաչանիշ թուրքական դրոշակ³⁰, — դրում է թուրք ազդեցությանը պատմաբանը, բայց նա չի անդրադառնում անդամ իր հակասությանը. մի՞թե նստավոր էր, որ իսլամական պետությունը խաչանիշ դրոշ գործածեր:

Իրողությունն այն է, որ էլիսանական տիրապետության ժամանակաշրջանում ղեկ գոյություն են ունեցել քրիստոնյա վասալ իշխանություններ. նույնպիսի դրության մեջ են եղել նաև Սև-լաստիայի հայ իշխանները, ինչպես ապացուցում է (նկ. 12) նրանց դրոշակի երկու սիմվոլների՝ քառակուսու և խաչի համատեղությունը: Մենք պատմաբաններին ենք թողնում այս կարևոր հարցերի լուսաբանումը, հուսալով մանավանդ, որ մեր կազմած երկրորդ տախտակում ներկայացված դրոշները այդ ուղղությամբ կարող են հետաքրքրություն արթնացնել:

³⁰ Նույն տեղում, էջ 191: